

14-vaziyat.

Keys bayoni. Muxlisa (6 yosh) bolalar maktabgacha ta'lim tashkilotining maktabga tayyorlov guruhiga qatnaydi. U o'qishni, yozishni biladi, raqsga tushishni, ashula aytishni, ifodali o'qishni yaxshi ko'radi. Onasi undan, Muxlisa esa o'zidan faxrlanadi.

Kunlardan bir kuni, Muxlisa onasi bilan uyga keta turib, onasiga: "Ertaga bog'chaga bormayman! Men javob bera olmasligim uchun, tarbiyachi opam, nuqul menga boshqa bolalarga qaraganda murakkab vazifalar beradi", -dedi.

Keysga savol- vazifa:

Ona Muxlisaning gaplaridan qanday ta'sirlanishi zarur?

1-variant. Muxlisaga ta'sir qilgan bolalar bog'chasidagi mumkin bo'lgan sabablarni o'ylab ko'rish.

2-variant. Qizining fikriga qo'shilish: «To'g'ri, sen eng aqlli qizimsan-ku. Agar javobni bilmasang, kel, ikkalamiz birgalikda aniqlaymiz (mumkin bo'lgan axborot manbalari)», deb aytish.

3-variant. E'tiborni qaratish! Balki Muxlisani haddan tashqari maqtash unda dastlabki vaqtlardagi muvaffaqiyat-sizliklarga ishonchsizlik uyg'otgandir.

Manba: "Maktabgacha ta'lim pedagogikasi", "Maktabgacha yoshdagi bolalarni maktabga tayyorlash metodikasi".